

**ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀԵՏԵՎԱՆՔՆԵՐԻ  
ՉԵԶՈՔԱՑՄԱՆ ՄԻՋՈՑԱՌՈՒՄՆԵՐ  
(ԱՀ կառավարության 2020 թվականի մայիսի 18-ի N 372-Ա որոշում)**

***ԱՀ կառավարության 2020 թվականի մայիսի 18-ի N 372-Ա որոշման համաձայն՝  
աջակցության ենթակա ոլորտներ են համարվում հետևյալ գործունեության  
տեսակները՝***

- 1) հյուրանոցային և հյուրատնային ծառայություններ.
- 2) հանրային սննդի ծառայություններ.
- 3) զբոսաշրջային ծառայություններ.
- 4) վարսավիրանոցների և գեղեցկության սրահների ծառայություններ.
- 5) մանրածախ առևտրի ծառայություններ, այդ թվում՝ առևտրի կենտրոնում կամ առևտրի իրականացման վայրում առք ու վաճառքի գործունեություն.
- 6) ուղևորափոխադրման գործունեություն.
- 7) մասնավոր մանկապարտեզների և ստեղծագործական ու զարգացման կենտրոնների գործունեություն.
- 8) սպորտի բնագավառում գործունեություն (սպորտային ակումբներ, լողավազաններ).
- 9) զվարճությունների և հանգստի կազմակերպման այլ գործունեություն:  
Աջակցության ենթակա ոլորտներ չեն համարվում այն մանրածախ առևտրի ծառայությունները, որոնց շրջանակում վաճառվում է (անկախ չափից և համամասնությունից) նաև՝
  - 1) սննդամթերք,
  - 2) ծխախոտ,
  - 3) դեղորայք,
  - 4) ակոհոլային խմիչքներ,
  - 5) օճառ, մաքրող, լվացող ու փայլեցնող միջոցներ,
  - 6) ավտոմեքենաների համար բենզին, դիզելային վառելիք, հեղուկ գազ, սեղմված բնական գազ, քսանյութ և պաղեցնող նյութեր,
  - 7) փայտանյութեր,
  - 8) սերմեր, թունաքիմիկատներ և պարարտանյութեր,
  - 9) շինանյութեր և սանտեխնիկական սարքավորանքներ,
  - 10) պահեստամասեր,
  - 11) զենք և զինամթերք:

## **1. Միանվագ դրամաշնորհի տրամադրման միջոցառում**

- **թիրախը՝** արդյունավետ աշխատատեղերի պահպանման աջակցություն.

- **շահառու՝** 1-ից 25 (ներառյալ) աշխատակից ունեցող տնտեսավարող.

- **օժանդակության ձևը՝** միանվագ դրամաշնորհ, յուրաքանչյուր 5-րդ աշխատողի աշխատավարձի չափով.

- **հիմնական պայմաններ՝**

- ✓ 2020 թվականի հունվարի 1-ից մինչև 2020 թվականի ապրիլի 1-ն ընկած ժամանակահատվածում անընդհատ ունեցել են 1-ից մինչև 25 (ներառյալ) վարձու աշխատող.

- ✓ մարտ ամսվա վարձու աշխատողների թիվը և վերջիններիս գծով հաշվարկված աշխատավարձի ու դրան հավասարեցված եկամուտների մեծությունը կազմում է հունվար և փետրվար ամիսների (ըստ ամիսների) աշխատողների թվի և հաշվարկված աշխատավարձի ու դրան հավասարեցված եկամուտների մեծության առնվազն 80 տոկոսը.

- ✓ մեկից ավելի ոլորտներում (որոնցից մեկը կամ մի քանիսը ներառված են աջակցության ենթակա ոլորտներում, իսկ մնացածը՝ ոչ) գործունեություն ծավալող տնտեսավարողներին աջակցություն տրամադրվում է, եթե աջակցության ենթակա ոլորտներում 2020 թվականի հունվարի 1-ից մինչև ապրիլի 1-ը գործունեության տեսակարար կշիռը կազմում է տնտեսավարողի ընդհանուր գործունեության առնվազն 40 տոկոսը.

- **հարկային մարմին դիմելու վերջնաժամկետը՝** մինչև 2020 թվականի հունիսի 15-ը (ներառյալ):

- **դրամաշնորհի սրացման եղանակը՝** փոխանցվում է շահառուի հաշվարկային հաշվին, իսկ առևտրային բանկում շահառուի բանկային հաշվի բացակայության դեպքում՝ շահառուի նշած առևտրային բանկ:

- **ուշադրություն.**

- ✓ եթե նշվում է բանկային հաշվեհամարը, ապա այն պետք է պատկանի շահառու հանդիսացող հարկ վճարողին.

- ✓ դիմումներում չպետք է նշվեն արդեն իսկ փակված հաշվեհամարներ.

✓ պարտադիր ստուգել բանկային հաշվի նիշերի համապատասխանությունը: Անձը հաստատող փաստաթղթերի վերաբերյալ տեղեկատվությունը լրացնելիս ևս մեկ անգամ ստուգել դրանց ճշտությունը:

**Արցախի Հանրապետության ֆինանսների նախարարության պաշտոնական կայքէջում հրապարակվում են սույն միջոցառման շրջանակներում դրամաշնորհ ստացած փոփոխականությունների փվյալները:**

**Սույն միջոցառման շահառու չեն կարող համարվել պետական մասնակցությամբ բաժնեփրական ընկերությունները, պետական ոչ առևտրային կազմակերպությունները, համայնքային ոչ առևտրային կազմակերպությունները, հասարակական կազմակերպությունները, հիմնադրամները, հասարակական միավորումները, ոչ առևտրային կոոպերատիվները:**

## **2. Միանվագ դրամական աջակցության տրամադրման միջոցառում**

▪ **թիրախը՝** փոքր ձեռնարկատիրության գործունեության շարունակականության ապահովում.

▪ **շահառու՝** 2020 թվականի հունվարի 1-ից մինչև 2020 թվականի ապրիլի 1-ն ընկած ամբողջ ժամանակահատվածում վարձու աշխատող չունեցող անհատ ձեռնարկատերերը, այդ թվում՝ արտոնագրային վճար վճարող հանդիսացող անհատ ձեռնարկատերերը և ֆիզիկական անձինք:

### **▪ օժանդակության ձևը՝**

1) անհատ ձեռնարկատիրոջ (բացառությամբ արտոնագրային վճար վճարող հանդիսացող) դեպքում՝ 2019 թվականի հոկտեմբեր-դեկտեմբեր ամիսների իրացման շրջանառության 10 տոկոսի չափով, բայց ոչ պակաս, քան նվազագույն աշխատավարձի 50 տոկոսի չափով և ոչ ավել, քան նվազագույն աշխատավարձի կրկնապատիկը.

2) արտոնագրային վճար վճարող հանդիսացող անհատ ձեռնարկատիրոջ և ֆիզիկական անձի դեպքում՝ նվազագույն աշխատավարձի 50 տոկոսի չափով:

### **▪ հիմնական պայմաններ՝**

✓ 2020 թվականի հունվարի 1-ից մինչև 2020 թվականի ապրիլի 1-ն ընկած ամբողջ ժամանակահատվածում անհատ ձեռնարկատերը չի ունեցել վարձու աշխատող.

✓ մեկից ավելի ոլորտներում (որոնցից մեկը կամ մի քանիսը ներառված են աջակցության ենթակա ոլորտներում, իսկ մնացածը՝ ոչ) գործունեություն ծավալող

անհատ ձեռնարկատերերին աջակցություն տրամադրվում է, եթե 2019 թվականի հոկտեմբեր-դեկտեմբեր ամիսների իրացման շրջանառության մեջ աջակցության ենթակա ոլորտներում գործունեության (իրացման շրջանառության) տեսակարար կշիռը կազմում է առնվազն 40 տոկոսը.

✓ անհատ ձեռնարկատերը (բացառությամբ արտոնագրային վճար վճարող) 2019 թվականի հոկտեմբեր-դեկտեմբեր ամիսներին ունեցել է իրացման շրջանառություն և 2020 թվականի մարտի 31-ի դրությամբ գործունեությունը դադարեցված չէ.

✓ 2020 թվականի 1-ին եռամսյակում համարվել է արտոնագրային վճար վճարող:

▪ **հարկային մարմին դիմելու վերջնաժամկետը՝** մինչև 2020 թվականի հունիսի 15-ը (ներառյալ):

▪ **աջակցության սրացման եղանակը՝** փոխանցվում է շահառուի բանկային հաշվին, իսկ բանկային հաշվի բացակայության դեպքում՝ շահառուի նշած առևտրային բանկ:

▪ **ուշադրություն.**

✓ եթե նշվում է բանկային հաշվեհամարը, ապա այն պետք է պատկանի շահառու հանդիսացող հարկ վճարողին.

✓ դիմումներում չպետք է նշվեն արդեն իսկ փակված հաշվեհամարներ.

✓ պարտադիր ստուգել բանկային հաշվի նիշերի համապատասխանությունը: Անձը հաստատող փաստաթղթերի վերաբերյալ տեղեկատվությունը լրացնելիս ևս մեկ անգամ ստուգել դրանց ճշտությունը:

**Արցախի Հանրապետության ֆինանսների նախարարության պաշտոնական կայքէջում հրապարակվում են սույն միջոցառման շրջանակներում դրամաշնորհ ստացած փոփոխավարողների փվյալները:**